

MAMAN

la VÔS dai FURLANS



Projet promovût di 'La Vôs dai Furlans' e 'ARLeF'

Lu saveviso
che...?



I burlaçs e il brut
timp, cun tons, folcs
e lamps, a fasin
pôre a tantis
personis.
Cualchidun, invezit,
il brut timp lu cîr
di pueste: a son
i cjaçadôrs di

burascjiis! A son sienziâts che a van ator pal mont
par studiâ i burlaçs, par capî cemût che a nassin e a
funzionin. A doprin struments speciâi, come radars
e mapis, cussì cuant che intun puest al rive un burlaç
pericolôs, a visin daurman ducj di stâ atents e di lâ a
sotet. Ce lavôr aventurôs!

La cjançon
de setemane

SACHE
BURACHE



"Scjaraçule maraçule la lusigne e la craçule,
la piçule si niçule di polvar a si tacule!..."

Cjantin insieme
"Scjaraçule maraçule" su



Dissegne tu!

Al à tacât a ploi e...
Dissegne chi sot ce che al sucêt cumò!



Cumò fâs tu!

Tropis ombrenis cjatistu
in chest dissen? E tropis nûi?
Par ultin, conte lis stelis.



Ridi
a plene
panze!

"Pierut, ce isal il burlaç?"
"A son nûi che a tachin a vaî par pôre dai tons"

Pagjine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilîs su**



ANCJE
'ON DEMAND'
SU telefriuli

O ciale lis
replichis su
telefriuli

Vinars aes 18.30
e domenie aes 7.00
e aes 13.00

STELIS E LUSIGNIS Noa



Roc. Ti puedin
sucedi cetantis
robis che no tu
pensavis, ma la
tô fuarce ti judarà
simpri.



Taur. Al è un pôc
che i rapuarts cu lis
personis a diventin
imberdeâts, no stâ
a butâti jù.



Zimui. La memorie
no je il to fuart e
cussì tu riscjîs di
tornâ a fâ i erôrs
compagns di îr.



Gjambar. Se tu pensis
a dute la strade che
tu âs di fâ, ti somee
une vore lungje. Tache
fasint un pas daûr di
chel altri.



Leon. No stâ a vê pôre
di cambiâ idee suntun
projet o suntune
persone, dome par no
someâ stupit.



Vergjine. Tu sês
ancjemò lontan di dulà
che tu âs voie di rivâ,
ancje se tu âs fat dut il
pussibil.



Belance. Cjalant
fotos vecjis ti ven
un grop tal cuel,
ma il passât nol
pues tornâ plui.



Sgarpion. Tal
lavôr tu pensavis
di saltâ cualchi
impegn e invezit
tu âs di frontâju
ducj.



Sagjitari. Pensâ
ben prime di fâ
lis robis al è just,
ma tu tu pensis
ancje masse.



Bec di mont. Il cûr
dal to partner si
sta disglaçant, no
stâ a vê premure
di recuperâ il timp
piedût.



Agarûl. Ti àn
contât une vore di
fufignis, ma tu âs
di capî cui che al è
pardabon basâr.



Pes. Pal doman
tu viodis neri, ma
chei che ti stan
dongje a impiaran
une lûs.